



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶԴԵՏ
ՈՐՈՇՈՒՄ**

N 30 - Ա

26 հունվարի 2021 թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ ՀԱՄԱՅՆՔՆԵՐՈՒՄ
«Ո՛Չ ԾԽԱԽՈՏԻՆ» ԽՈՐԱԳՐՈՎ «ԳԵՂԱՐՔՈՒՆՅԱՑ ՁՄԵՌ - 2021»
ՄԱՐԶԱՄՇԱԿՈՒԹԱՅԻՆ ՄԻՋՈՑԱՌՈՒՄ ԿԱԶՄԱԿԵՐՊԵԼՈՒ ԵՎ ԱՆՑԿԱՑՆԵԼՈՒ
ՄԱՍԻՆ**

Ղեկավարվելով «Ֆիզիկական կուլտուրայի և սպորտի մասին» Հայաստանի Հանրապետության օրենքի 10-րդ հոդվածի և «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ մասի և 16-րդ հոդվածի պահանջներով **որոշում եմ՝**

1. Հաստատել՝

1) Հայաստանի Հանրապետության Գեղարքունիքի մարզի համայնքներում «Ոչ ծխախոտին» խորագրով «Գեղարքունյաց ձմեռ - 2021» մարզամշակութային միջոցառման կազմակերպման և անցկացման կազմկոմիտեի կազմը՝ համաձայն N 1 հավելվածի:

2) Հայաստանի Հանրապետության Գեղարքունիքի մարզի համայնքներում «Ոչ ծխախոտին» խորագրով «Գեղարքունյաց ձմեռ - 2021» մարզամշակութային միջոցառման անցկացման կանոնակարգը՝ համաձայն N 2 հավելվածի:

2. Հայաստանի Հանրապետության Գեղարքունիքի մարզպետարանի առողջապահության և սոցիալական ապահովության վարչության պետի պաշտոնակատար Լուսինե Վարդանյանին՝ համագործակցել համայնքների ղեկավարների հետ և միջոցառումների օրերին ապահովել մասնակիցների առաջին բժշկական օգնությունը:

3. Հայաստանի Հանրապետության Գեղարքունիքի մարզպետարանի քարտուղարության պետ Վերգինե Ղուկասյանին՝ միջոցառման անցկացման գործընթացն իրականացնելու համար ապահովել սույն որոշման առաքումը մարզի համայնքներ և հանրակրթական ուսումնական հաստատություններ:

4. Սույն որոշման կատարման հսկողությունը վերապահել Հայաստանի Հանրապետության Գեղարքունիքի մարզպետի խորհրդական Վահագն Դաբաղյանին:

26.01.2021



Գ. ՍԱՆՈՍՅԱՆ

Գ. ՍԱՆՈՍՅԱՆ

Подписано: SANOSYAN GNEI. 1710830069

Գ. ՍԱՆՈՍՅԱՆ

ք. Գավառ

ԿԱԶՄ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ ՀԱՄԱՅՆՔՆԵՐՈՒՄ
«Ո՛Չ ԾԽԱԽՈՏԻՆ» ԽՈՐԱԳՐՈՎ «ԳԵՂԱՐՔՈՒՆՅԱՑ ՁՄԵՌ - 2021»
ՄԱՐԶԱՄՇԱԿՈՒԹԱՅԻՆ ՄԻՋՈՑԱՌՄԱՆ ԿԱԶՄԱԿԵՐՊԱՆ ԵՎ ԱՆՑԿԱՑՄԱՆ
ԿԱԶՄԿՈՄԻՏԵԻ

- Զազյան Կարեն - ՀՀ Գեղարքունիքի մարզպետարանի կրթության, մշակույթի և սպորտի վարչության պետ /նախագահ/
- Հարությունյան Վանիկ - ՀՀ Գեղարքունիքի մարզպետարանի տեղական ինքնակառավարման և հանրապետական գործադիր մարմինների հարցերով վարչության պետ
- Վարդանյան Լուսինե - ՀՀ Գեղարքունիքի մարզպետարանի առողջապահության և սոցիալական ապահովության վարչության պետի պաշտոնակատար
- Զարվաղարյան Գեղամ - ՀՀ Գեղարքունիքի մարզպետարանի կրթության, մշակույթի և սպորտի վարչության մշակույթի և սպորտի բաժնի պետ
- Սաֆարյան Համբարձում - ՀՀ Գեղարքունիքի մարզպետարանի կրթության, մշակույթի և սպորտի վարչության կրթության բաժնի պետ
- Շահբազյան Հասմիկ - ՀՀ Գեղարքունիքի մարզպետարանի տեղեկատվության և հասարակայնության հետ կապերի բաժնի պետ
- Դադոյան Վարդինե - ՀՀ Գեղարքունիքի մարզպետարանի կրթության, մշակույթի և սպորտի վարչության կրթության բաժնի գլխավոր մասնագետ
- Գևորգյան Գևորգ - ՀՀ Գեղարքունիքի մարզպետարանի կրթության, մշակույթի և սպորտի վարչության կրթության բաժնի գլխավոր մասնագետ
- Դաշտոյան Գրիգոր - «Գեղարեզ» կրթամշակութային հասարակական կազմակերպության նախագահ /համաձայնությամբ/

26.01.2021



ԳԼԽԱՎՈՐ ՔԱՐՏՈՒՂԱՐ՝

Подписано: КИМ ОИЛ ПЯН СИ ВАК 4007580049

ՍԵՎԱԿ ԽԼՂԱԹՅԱՆ

ԿԱՆՈՆԱԿԱՐԳ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ ՀԱՄԱՅՆՔՆԵՐՈՒՄ
«Ո՛Չ ԾԽԱԽՈՏԻՆ» ԽՈՐԱԳՐՈՎ «ԳԵՂԱՐՔՈՒՆՅԱՑ ԶՄԵՌ – 2021»
ՄԱՐԶԱՄՇԱԿՈՒԹԱՅԻՆ ՄԻՋՈՑԱՌՄԱՆ ԱՆՑԿԱՑՄԱՆ

1.ՆՊԱՏԱԿՆ ՈՒ ԽՆԴԻՐՆԵՐԸ

Հայաստանի Հանրապետության Գեղարքունիքի մարզի համայնքներում «Ոչ ծխախոտին» խորագրով «Գեղարքունյաց ձմեռ – 2021» մարզամշակութային միջոցառման (այսուհետ՝ միջոցառում) նպատակն ու խնդիրներն են՝

նպատակ՝

- ✓ ՀՀ Գեղարքունիքի մարզի համայնքներում ձմեռային մարզաձևերի և ազգային խաղերի մասսայականացմանը.
- ✓ պետական և տեղական ինքնակառավարման մարմինների, մարզական կազմակերպությունների կողմից ֆիզիկական կուլտուրայի և սպորտի ուղղությամբ իրականացվող համագործակցված աշխատանքներին.
- ✓ մարզի ազգաբնակչության առօրյայում առողջ ապրելակերպի արմատավորմանը.

2.ՄԻՋՈՑԱՌՄԱՆ ԱՆՑԿԱՑՄԱՆ ԺԱՄԿԵՏԸ ԵՎ ՎԱՅՐԸ

Միջոցառումն անցկացվում է Հայաստանի Հանրապետության Գեղարքունիքի մարզի համայնքներում և հանրակրթական ուսումնական հաստատություններում 2021 թվականի փետրվարի 7-27-ը ընկած ժամանակահատվածում:

3. ՄԻՋՈՑԱՌՄԱՆ ԱՆՑԿԱՑՄԱՆ ԾՐԱԳԻՐԸ

- ✓ Մասսայական դահուկավազք /կամ կրոսավազք 300մ.,500մ. և 1000 մետր /
- ✓ Մրցումներ՝ սահնակներով
- ✓ Պարանի ձգում /թիմերով/
- ✓ 8 կգ և 16 կգ կշռաքարերի բարձրացում /ազատ ոճով /
- ✓ Մարզական ցուցադրական ելույթներ,
- ✓ Սպորտային տարաբնույթ խաղեր՝ /մինի ֆուտբոլ, ձմեռային վոլեյբոլ, շարժական խաղեր, դասական վոլեյբոլ, բասկետբոլ, շախմատ, շաշկի, նարդի և այլն/
- ✓ Բարձունքի գրավում
- ✓ Ձնագնդիով / կամ թենիսի գնդակով / հարված նշանակետին
- ✓ Հրաձգություն օդամղիչ հրացանից՝ 10 մետր հեռավորությունից /ազատ ոճով , 5 կրակոց /
- ✓ Սպորտլանդիայի անցկացում
- ✓ Մրցումներ՝ ազգային խաղաձևերից

- ✓ Ազգային կոխ ընթշամարտի անցկացում երեք քաշային կարգերում / մինչև 40 կգ., 50 կգ և 60 կգ ./

4. ՄԻՋՈՑԱՌՄԱՆ ԿԱԶՄԱԿԵՐՊՈՒՄԸ ԵՎ ՂԵԿԱՎԱՐՈՒՄԸ

Միջոցառման ընդհանուր ղեկավարումը իրականացնում է Հայաստանի Հանրապետության Գեղարքունիքի մարզպետարանի կրթության, մշակույթի և սպորտի վարչությունը: Համայնքապետարանը՝ հանրակրթական ուսումնական հաստատությունների հետ համատեղ կազմակերպում է միջոցառման անցկացումը: Առանձին միջոցառումներ կարող են անցկացնել նաև հանրակրթական ուսումնական հաստատությունները: Համայնքի ղեկավարի աշխատակազմը կամ ուսումնական հաստատության տնօրինությունը ձևավորվում է միջոցառման կազմակերպման և անցկացման կազմկոմիտե, իսկ միջոցառման անցկացման արդյունքները ամփոփելու, լավագույն մասնակիցներին խրախուսելու նպատակով՝ մրցավարական հանձնաժողով:

5. ՄԻՋՈՑԱՌՄԱՆ ԼՈՒՍԱԲԱՆՈՒՄԸ

Միջոցառումը կլուսաբանվի մարզում գործող լրատվական միջոցներով և կտեղադրվի Հայաստանի Հանրապետության Գեղարքունիքի մարզպետարանի կայքէջում: Միջոցառման ավարտից հետո անհրաժեշտ է մինչև ս/թ մարտի 2-ը ՀՀ Գեղարքունիքի մարզպետարանի կրթության, մշակույթի և սպորտի վարչություն ներկայացնել միջոցառման վերաբերյալ տեղեկատվություն, լուսանկար և տեսանյութ:

6. ՖԻՆԱՆՍԱԿԱՆ ԾԱԽՍԵՐԸ

Միջոցառման կազմակերպման և անցկացման հետ կապված բոլոր ծախսերը /լուսաբանում, հավաստագրեր, հուշանվերներ և այլն/ հոգում են համայնքապետարանները:

7. ՊԱՐԳԵՎԱՏՐՈՒՄԸ

Համայնքի ղեկավարի կողմից հավաստագրերով, հուշանվերներով, հուշամեդալներով կպարգևատրվեն առանձին վարժություններում մրցանակային տեղեր գրաված թիմերը և մարզիկները:

ԳԼԽԱՎՈՐ ՔԱՐՏՈՒՂԱՐ՝

26.01.2021



ՍԵՎԱԿ ԽԼՂԱԹՅԱՆ